

UNANA EDINIM ERIDI CHRIST KE AKPANIKO

2 Peter 3:1-18

QYQHỌ UKPEP-ŃKPỌ 456

Eke Ikpọ Owo

IKỌ IBUOT: “Ọfọfọn ọnọ owo eke misańake ke item mme idiok owo, minyuń idaha ke usuń mme anam-idiok, minyuń itiehe ke itie mbon nsahi’ (Psalm 1 :1).

I Mbon Nsahi Ekań Eridi Qbọń

- 1 Udọń Peter ekedi ndidemere esit mme anditiene-Christ man mmọ eti Ikọ Abasi, 2 Peter 3:1, 2; 1:12
- 2 Mbon nsahi emi esańade ke mme idiok itọń mmọ edọhọ ete “Eridi eke enye ọkọńwọńde ete iyedi enye?” 2 Peter 3:3, 4; Psalm 73:11; 1 ńwed Corinth 1:21
- 3 Mmọ ekokoi enana ifiok ke abańa edibot ye edibiat ererimbot ke Mmọń Ukwọ oto ke Ikọ Abasi, 2 Peter 3:5, 6; Mme Hebrew 11:3

II Enim Ererimbot Enye Emi Ebeńe Ubierikpe

- 1 Ererimbot emi ekesobode ke Mmọń Ukwọ, oto ke Ikọ Esie, edi se edisobode ke ikań oto kpasuk ke ukem Ikọ Abasi oro, 2 Peter 3:7; 2:5
- 2 Mme eńwọńọ Esie enyene ndisọńọ nda, Enye emi tọsin isua etiede nte usen kiet, 2 Peter 3:8, 9; Psalm 90:4; Isaiah 40:8
- 3 Usen Qbọń eyedi nte inọ ke okoneyo ke ini edibiatde enyọń ye isọń efep, 2 Peter 3:10; 1 ńwed Thessalonica 5:2, 3; Eriyarare 6:14; 16:15

III Ntak Emi Odotde ndidu ke Mbeńe-idem Mbet Usuń Qbọń

- 1 Mme andinim ke akpanikọ, ke efiokde ete ke mme ńkpọ emi enyene ndiwọrọ nsu, ekpenyene ndisańa ke edisana-ido, 2 Peter 3:11, 12; Matthew 24:35
- 2 Nditie mbet obufa enyọń ye obufa isọń ekpenyene ndidemere ntiń-enyin, 2 Peter 3:13, 14; Isaiah 65:17; 66:22; Eriyarare 21:1
- 3 Edi akpan ńkpọ ndifiok mme ńkpọ Abasi nnyuń ńkọri ke mfọn, 2 Peter 3:15-18; 1:10, 11; 2 ńwed Timothy 2:15.

SE EKPEPDE EBAńA

Ndidemere Esit Mmọ

Ke ọyọhọ ńwed Peter iba, enye owut mme ukpọhọre emi edude ke esit mme andinim ke akpanikọ ye mbukpo esit, nte ewutde ke akpatre ibuot ńwed emi. Enye eketi mmọ abańa mme ntiń-nnim ikọ emi ndisana mme anditiń ntiń-nnim ikọ ke Akani Ediomu eketińde man anam ańwańa mmọ, onyuń ada eteme mmọ. Ke mme ikọ emi, enye ama aka iso ndidian mme item emi etode mme Isuń-utom Qbọń ye Andinyańa.

Mbon Nsahi Ke Mme Ukperedem Usen

Mme ukperedem usen eke Peter eketińde abańa enyan ubok ewut mme akpatre eyo emi. Sia inemesit idem mmọ edide ńkukure ibet mbon nsahi, Ikọ Abasi ye mme ntiń-nnim ikọ emi edude ke esit idighe ubiọńọ inọ mmọ. Nte Isuń-utom eketińde onim, odu akwa otu owo mfin emi enyenede esit abiańa edi ebat oro nte “ifiok-nduńọre.” Ke ikike ye ifiok ererimbot mmọ, mmọ ebup kpa ukem mbume oro Peter eketińde adian mmọ, “Eridi eke Enye ọkọńwọńde ete iyedi enye?” Mmọ ewut ete ke kpukpru utom ke ererimbot ye mme ńkpọ-ntibe emi etode obot esuk ekaka iso tọńọ ke eyo mme ete nnyin. Ndaeyo ye ukwọ edi enyuń ebe; mme owo ke emana ke enyuń ekpańa; edi ini ke akaka iso.

Mmọ emi minimke Abasi ke akpanikọ enyuń eyọhọde ye ndiọi udọń ekpono utom-obot ye mme mbet esie ekan Abasi Andibot ye mme eriyarade eke Enye ọńde. Idiok owo ọfiok ete ke Ikọ Abasi ekpep abańa editọńọ ntak ndi Christ; edi mfańa esie edi, se ikodude ke edem emi osuk akade iso ndidu ọbiọńọ ndutime ke ini iso. Mmọ ekere ete ke kpukpru ńkpọ osuk etie ukem nte ekedide ke eritọńọ, ńko ke ererimbot emi edisuk aka iso ntre, ndusuk ke ata ediwak isua nte edide mfin emi. Oruk ifiok emi inimke ufań inọ mme ukpep-ńkpọ ye mme eńwọńọ emi edude ke Ikọ Abasi. Ekeme ndidi utọ unana edinim emi ekedi idiok-ńkpọ mbon eyo Noah. Etiń ebańa utọ ido oro ke ibuot ńwed emi.

Ekokoi Enana Ifiok

Peter etiñ ọ̀nọ̀ nnyin ete ke mmọ̀ ekokoi enana ifiok. Iduhe owo emi edide nnan nte owo emi miyomke ndikut usuñ. Nnyin emi inimde ke akpanikọ̀ imokot ke Ikọ̀ Abasi. “Oto mbuotidem (Idighe ifiok-nduñọ̀re) nnyin inim ite, ekeda ikọ̀-inua Abasi ebọt ererimbot” (Mme Hebrew 11:3). “Ekem Abasi ọ̀dọ̀họ̀ ete, yak uñwana odu: ndien uñwana odu.” Ke Ikọ̀ Esie ñko ererimbot oro Abasi okobotde ama atak ke Mmọ̀n Ukwọ̀. Ekeme ndidi mbon eyo Noah ekekere ete sia akanam ukwọ̀ miduhe, mme ñkpọ̀ enyuñ esuk edu nte ekedude ke ini oro, ntọt emi Noah ọ̀kọ̀nọ̀de mmọ̀, nte enye okosuk ọ̀kọ̀nọ̀de ubom, ekedi ñkpọ̀ nsahi ọ̀nọ̀ mmọ̀. Kpasuk ntre ererimbot emi odude ke emi, “Ikọ̀ Abasi okomum mmọ̀ onim ọ̀nọ̀ ikañ; ekpeme mmọ̀ enim enọ̀ usen eke Abasi edikpede ikpe” (2 Peter 3:7). Edi akpanikọ̀ ete ke nsobo emi editode ikañ iditibeke ke tọ̀sin isua kiet mibehe, koro enye edida itie ke utit ukara tọ̀sin isua.

Ini Abasi Ye Eke Owo

Peter etiñ ọ̀nọ̀ nnyin ke ufañ itiaita ete ke enyin Ọ̀bọ̀n, tọ̀sin isua etie nte usen kiet, usen kiet onyuñ etie nte tọ̀sin isua. Ekpe ye andinim ke akpanikọ̀ ete efehe ọ̀kpọ̀n ndisime edida ifiok owo ndomo ke mme ñkpọ̀ Abasi. Emi edi ndudue emi mbon nsahi ukperedem ini enamde. Ini eke Abasi onimde ndinam uduak Esie iduonke inyuñ ibighike. Owo ke ediwak idaha ama ndinam nduduhọ̀ nnyuñ mbiat ini. Se itiede ke enyin owo nte ubiat ini, ke akpanikọ̀ edi anyan ime ye mbom. Idighe uduak Esie ete yak baba owo kiet atak, edi akam oyom kpukpru owo ekabare esit. Enye omum idiok ererimbot emi onim man ọ̀nọ̀ enye ufañ ndikabare esit. Idighe ñkpọ̀ mkpaidem ke emi andiwet Psalm ọ̀dọ̀họ̀de ete, koro “Ima Esie ebigide ke nsinsi” (Psalm 106:1).

Usen Ọ̀bọ̀n

Usen Ọ̀bọ̀n ke edi ubuat-ubuat ọ̀nọ̀ mbon nsahi. Eneni oro ididuhe aba emi mmọ̀ edọ̀họ̀de ete, tọ̀nọ̀ nte mme ete ekede idap, kpukpru ñkpọ̀ etie kpasuk nte eketiede toto ke eritọ̀nọ̀ ererimbot. Etiñ ebaña Usen Ọ̀bọ̀n ke Isaiah 2:10-22 ye Eriyarare 19:11-21. Usen emi ikureke ke ini-ñkanika 24 emi anamde usen, edi ewut ete ke edi ofuri ini emi Ọ̀bọ̀n adade ndibiye ikpe ererimbot ye mme andiduñ ke esit. Ke ekem ini Abasi, mme ubierikpe emi eyeda itie. Ke akpatre, ikpa-enyọ̀n eyebe efep ye akamba uyom, sia ikañ atade, enye eyetara, se edade enam ererimbot eyeyemere ke ọ̀kpọ̀sọ̀n ufiop. Ndien isọ̀n ye kpukpru utom eke enamde ke esit eyeta ikañ ebiara. Ererimbot emi idiok-ñkpọ̀ ama akanam akabare edi oburobut eyebe efep (Se ñko Matthew 24:35).

Se Ifiok Enyenede Ndinam

Oto ke ifiok emi inyenede ibaña mme ñkpọ̀ emi edidade itie, Isuñ-utom ndien obup mbume ete: “Nso oruk owo ke mbufo ekpedi” ke edisana uwem ye ke ndika iso mfiok nte ke idu ke iso Abasi inyuñ ibuotidem ye Enye? Ke ndika iso mkpeme nnyuñ mbet eridi usen Ọ̀bọ̀n, nnyin iduhe uwem ndik, edi inyene idorenyin anditiene-Christ. Nnyin idọ̀họ̀ke ite: “Mme ñkpọ̀ emi ekeme ndiwọ̀rọ̀ didie?” Tọ̀nọ̀ nte ekeduok bomb, emana emi ekeme nditim ñkut nnyuñ mfiok nte edide mmem-mmem ọ̀nọ̀ Abasi ndinam ntiñ-nnim ikọ̀ emi osu. Se edade enam ererimbot ema eyemere ke ọ̀kpọ̀sọ̀n ufiop ke mme ebiet emi ekeduonọ̀de bomb oro. Ikañ ye uyom ema enam mme andiduñ mkpere akwa ndik, ndien ọ̀kpọ̀sọ̀n nnyeñe ama emen se ikodude ke usuñ esie efep.

Obufa Enyọ̀n Ye Obufa Isọ̀n

Nte ikọ̀ nsọ̀nọ̀-idem ọ̀nọ̀ mmọ̀ emi edude edisana uwem, nnyin imenyene eñwọ̀nọ̀ obufa enyọ̀n ye obufa isọ̀n, ndien edi do ke edinen-ido ediduñ. (Se Isaiah 65:17; 66:22; Eriyarare 21:1). Nsinam ekpetiede nte isen me ọ̀kpọ̀sọ̀n ñkpọ̀ ọ̀nọ̀ Abasi ndibot obufa enyọ̀n ye obufa isọ̀n ke ini edide Enye okobot mmọ̀ eke edude ke emi? Eriyarare 21:5 etiñ ọ̀nọ̀ nnyin: “Sese, mmanam kpukpru ñkpọ̀ edi mbufa.” Emi ekpenyene ndidemere anditiene-Christ kiet-kiet ndisaña ke iso Ọ̀bọ̀n ke edisana-ido ye edinen-ido ke ofuri usen uwem esie, ndinyuñ ntiñ enyin man Ọ̀bọ̀n okposim enye nte etiede ke emem anana ntọ̀i onyuñ ọ̀fọ̀n ama. Emi idighe man enye ekpenyene udeme ke akwa Ukara Tọ̀sin Isua ye Jesus ikpọ̀n, edi ñko man ekpenọ̀ enye oyọ̀họ̀ ifet ndibe nduk “Obufa Jerusalem” ke utit Tọ̀sin Isua nnyuñ nsaña ke mme efak gold nte John, Isuñ-utom eyo oko.

Esọ̀nọ̀ Mme Ñwed Paul

Anyan ime Abasi edi man ada erinyaña ọ̀nọ̀ mmọ̀ emi mikotke kaña isin ke otu Nditọ̀ Abasi. Nte ededi, ibat mme ukpọ̀n emi emanade eduk ke ererimbot kaña ewak ekan mme ukpọ̀n eke etienede Christ, ke ntre ata

esisit ubiat ini eyeworọ ete ke ibat ukpọn eke editakde eyewak akan mmọ eke edibọhọde. Do ndien, eyak nnyin inam utom koro nkut-eyo ke edi ke akpanikọ.

Mi, Peter ọsọnọ ete ke mme ikọ Paul oto ke nda-usuñ ifiọk Abasi. Enye etiñ ọnọ nnyin ete ke imọ imonyime ọyọhọ-ọyọhọ ye se Paul ewetde abaña eridi Ọbọn. Peter etiñ ete ke mme nkọpọ edu ke mme n̄wed emi Paul ewetde emi esọnde owo ndifiọk. Mme anditiñ n̄tiñ-nnim ikọ ye mme andiwet N̄wed Abasi ema esida ekut nkọpọ-ntibe anyan usuñ, edi ifiọkke ini editibede, ndusuk ini mmọ ema esiduñore mme nkọpọ-ntibe emi edade itie ke ufọt ini emi mmọ ekedoride enyin. Emi ọnọ nnyin isọn abaña n̄nen-n̄nen usuñ emi edade ekabare Ikọ Abasi, oro edi ndida Ikọ Abasi n̄nam Ikọ añaña, ndien nnyin inyene ndida ofuri eriyarare usuñ ye uduak Abasi n̄siak Ikọ Akpanikọ emi n̄nen-n̄nen. Peter etiñ ọnọ nnyin ete ke mme ọkọi, mme n̄nan ke spirit, ye mme anana-iwuk, me mme oyok-nyok, eyut, oro edi ekpuhọre nte eketiede, Ikọ Abasi emi ọkponode mmọ erinyaña edieke mmọ ekpenamde item. Ke ntak edikpuhọde emi, mmọ eda nsobo enọ ukpọn mmọ. Emi edi akpan ikọ nduri-utọn. Ke ini enye etiñde abaña mme Ikọ Abasi eken emi mmọ enamde ke ukem ido oro, enye abat mme n̄wed Paul nte enye emi ufọk-Abasi mme Hebrew ema ekenyime ete ke edi Ikọ Abasi eke Obufa Ediomii.

N̄kọri Ke Mfọn

Ndinam ọmuhọ se ikọ emi ọworode ke abaña nkọpọ-ndik emi odude ke unana edinim eridi Christ ke akpanikọ, Peter ekpe ye mme andinim ke akpanikọ emi enyenede ifiọk ebaña mme nkọpọ Abasi, ete yak mmọ ekpeme mbak eneni mme owo (emi enye okotde nduyo mme anam-idiọk) edimen mmọ efep ndien mmọ eduọ ekpọn idaha mfọn mmọ. Emi ọkpọworọ ndinam idiọk mbiọnọ uñwana.

Ke n̄kañ eken, enye ọnọ mmọ item ndikọri nnyuñ ntọt ke mfọn ye ke ifiọk Ọbọn ye Andinyaña nnyin Jesus Christ. Emi añañwana ye ndiduọ mkpọn mbuotidem. Ndifiok Abasi isañake nkọpọ ye unana edinim ke akpanikọ. Ọkworọ-ikọ kiet ama ọdọhọ ete, ke mfọn ini usọn ada uyọhọ nkọri edi idighe mbiara, n̄ka iso idighe mfiak-edem, mfọn-mma idighe ndue-idem. Nnyin ikọkọri ke odudu kpukpru ini. Ke mfọn miduhe, ifiọk erinyaña ikemeke ndidu. Owo ama ndibure ke ifiọk ererimbot esie, edi Peter ayak ofuri ubọn ọnọ Christ, ke emi ye ke nsinsi.

MME MBUME

- 1 Nso utọ ini ke etiñ ebaña ke ọyọhọ ufañ-n̄wed emi ita?
- 2 Nso idi ntak nsahi?
- 3 Nso nkọpọ ke mbon nsahi enana ifiọk ebaña?
- 4 Nso idi ntak emi eridi Ọbọn ebighide?
- 5 Siak ndusuk mme nkọpọ-ntibe emi edidade itie ke Usen eridi Ọbọn.
- 6 Nso ekpedi edu-uwem mme andinim ke akpanikọ oto ke ifiọk emi mmọ enyenede ebaña Usen Ọbọn?
- 7 Nso ikọ ntọt ye item ke Peter ada etre n̄wed emi?